

中華民國郵政特種機號認爲新聞紙編

中華民國十一年八月二十六日至三十一日第四十八期

沙府正報

(印代局刷印豐復街正府沙長)

目價

- (一) 本報每月每份光洋八角
- (二) 外埠每月每份另加郵費二角
- (三) 每冊零售一角四分

湖南省長公署發行

目 錄

內 務

省長指令長沙總商會呈爲商業凋殘請飭暫停賑票捐由

省長決定益陽減忠喜等不服該縣知事公署處分提款興學一案由

省長指令益陽縣知事呈費減忠喜等訴願案卷宗並出具辯明書由

省長指令沅陵縣知事呈轉據李鏡秋等控鄖靈光一案乞示違由

省長指令茶陵縣知事呈請褒揚節婦陳藍氏由

省長批陽秋生等呈熙撤究以全工業由

教 育

省長指令前代理留日學生經理員王英泌呈爲黃璧鄒謙擅行查鈔任意詆譖懲開除公費學籍由

省長致駐日中國公使館電

省長公署致駐日中國公使館公函

省長公署致留日學生監督處電

省長訓令駐日湖南留學生經理員唐晦昌據前代經理王英泌以數罪俱發具控黃璧鄒謙一案仰該

員知照由

省長指令安仁縣知事呈賈該縣視學員視察學務報告書請予核奪示遵由

實業

省長咨覆省議會文

省長指令宜章縣知事呈爲查勘地利公司擬請修築輕便鐵道路線並擬定購地償金情形由

省長訓令財政廳據宜章縣知事查勘地利煤礦公司等情仰該廳審核具覆由

省長指令辰谿縣知事呈報改組縣農會情形由

省長指令水利局呈爲轉呈委員併案令勘常德新陂橋淤土情形由

省長指令甯遠縣苗圃經理員李壽芝呈具苗圃經營圖式以備考查由

財政

省長指令榷運局長鄒序彬呈爲鹽稅日衰亟須整理統籌利弊首重減價敵私列表具陳仰祈鑒核由

省長訓令財政廳據榷運局長呈爲整頓鹽稅統籌利弊等情仰該廳知照由

省長指令會同雜稅局長呈覆各項報告書未據前任移交無案可稽由

省長訓令醴陵縣知事據湘岸榷運局長轉醴陵分局呈覲頭洲緝私旱隊被匪搶刦并殺斃哨弁等情

仰該知事緝追由

省長指令財政廳轉呈擬具清理前湖南銀行票幣及惠民票方法請轉咨省議會議決辦理由

司 法

高等審判廳訓令麻陽縣知事江天涵遵令迅將八年至十年暨任內司法收支書據按月造費以憑核轉由

高等審判廳指令麻陽縣知事江天涵呈造費接收羅滕兩前任司法交盤總冊由

高等檢察廳指令湘鄉縣管獄員蕭幹代電人犯增加請自十一年度起改列乙等由


高等檢察廳訓令漢壽縣管獄員嗣後交替定爲專案移交具報備查由

高等檢察廳指令長沙地檢廳呈報長沙看守所所長賀宗林對於所丁多報少用情形仰祈察核由

湖南高等審判廳民庭公開審理案件日時通告

第四章

目錄



四

內務

湖南省長公署指令

令長沙總商會

呈爲商業凋殘請飭暫停賑票捐由

呈悉查此項賑捐票係北京賑務處以各省災情廣大賑款不敷特製此項捐票分發受災各省自行領銷湘省按照徵收比額應發賑票三十萬元由湖南華洋籌賑會領收當以湘省承商業凋敝之後稅收難期暢旺復經該會設法就京漢方面分銷十五萬元僅帶十五萬元回湘并由該會將此項賑票賣送財政廳設法推行以資賑濟比由財政廳擬具配銷賑票辦法五條呈報本署核准有案茲據呈稱湘省商業凋殘請將此項賑票捐飭暫停收各精查湘省商務衰減就釐加捐原不無竭蹶惟此項賑票既係就受災省分自行領銷楚弓楚得仍屬拯濟湘災且原發賑票三十萬元又經籌賑會設法銷去十五萬元祇此半數領運到湘義無可諉况湘省係自治省分對於本省災情除中外各慈善機關撥款賑濟外捨自救實無他法又查商人轉運貨銷行各地是此項賑捐直接雖徵諸商民仍間接取諸用戶似無專責商人一部負擔之嫌再此項賑票既係按照徵收比額配銷自有定限銷完之後當無加銷之理核閱來呈聲敘各節似有誤會應予逐項令知仍仰剏切勸諭各商遵照辦理以維賑務爲要此令

趙恒毅

中華民國十一年八月十四日
湖南省長公署決定書

第
四
決定

訴願人臧忠喜、臧煥廷、臧羽儀，均益陽人，年歲不一。

原處分衙門：益陽縣知事公署。

右列訴願人等因提款興學案不服益陽縣知事公署之處分提起訴願本署就書面審查決定如左：

主文

原處分撤銷。

碧津渡橫河准臧姓原有划戶自由營業但其他划戶無有營業執照者臧姓划戶不得阻止及索取莊錢情事。

事實

緣益陽碧津渡係該縣南北往來通衢舊時設有官渡一應差事由臧王李三姓承當該划戶等因之把持渡口亦索行人邑人乃倡設義渡迭經訴訟王李改業臧姓世居河濱一篠緣水終日渡頭相沿至今一似該碼頭爲世襲之一種所有權他姓划戶必認臧姓爲主承佃進莊始能營業去年魚行王恕行願划起因臧姓阻止乃商同城團育賢養正敬業三校以擅行專利懇示勒提以維學款等情訴經益陽縣知事公署批准佈告該碼頭各划戶嗣後承佃一切手續應向城團學校直接交涉不得仍向臧姓私

相授受等語臧姓不服訴願到署

理由

查河川國有私人固不能因慣例上營業之故認爲私法上之所以所有權排除他人之行使惟私人旣經地
方官廳許可營業領有營業執照行駛自己划船地方官廳仍令其承佃納租殊非國家保護私人營業
之意本案臧忠喜等在碧津渡駕划營生繳納水糧照費營業稅原處分衙門因王恕等之呈請斷令各
划戶向城團學校承佃每划月繳租錢二串徒籌教育經費而不計劃戶勞動生計其處分殊失平允本
案訴願認爲有理由應將原處分撤銷惟該訴願人等遽認該碼頭爲臧姓營業專利阻止他姓划戶行
使亦殊不合爰依訴願法第十四條前段之規定決定如主文

湖南省長公署

中華民國十一年八月十六日

湖南省長公署指令

令益陽縣知事

呈費臧忠喜等訴願案卷宗並出具辯明書由

呈件均悉該案經本署審查認原處分爲不當業經決定撤銷茲印發決定書三份連同原解卷宗一併
發還仰卽遵照分別送達歸檔仍出具收據報查此令

計印發決定書三份 卷三宗 合同一紙 執照二紙 划牌一塊 譜一本 縣志一本

渡志六本 指令一件 布告三件

趙恒毅

第
中華民國十一年八月十六日

湖南省長公署指令

令沅陵縣知事易應岷

呈轉據李鏡秋等控鄖靈光一案乞示遵由

呈悉查縣議會議員選舉法第二十七條係規定當選人得票計算法即限於某區內得票較多者方能當選不得同時以所得二區以上各別之當選票紙合併計算而當選也該條本區二字並非指當選人居住之本區而言乃指當選人得票限於某一區而言此項法文至爲明顯在李鏡秋等誤解法文無足深怪在該知事貿然轉呈公認該民等爲有理由殊屬謬妄已極至鄖靈光當選應否有效仍仰遵照七月文電妥慎辦理毋得違異致滋糾紛切切此令

趙恒毅

期

中華民國十一年八月十六日
湖南省長公署指令

呈請褒揚節婦陳藍氏由

令茶陵縣知事余燦傳

呈件均悉據呈該縣節婦陳藍氏青年喪夫志矢柏舟皓首完貞譽溢梓里茲經該節婦戶鄰人等依照褒揚條例呈由該知事轉請給予褒揚等情應予照准除俟大局統一再行彙案咨部核辦外先由本署題頒節凜冰霜四字發交該署轉給祇領以資旌表而示激揚此令

計頒發題額一紙

趙恒恩

中華民國十一年八月十七日

湖南省長趙示

批陽秋生等呈懇撤究以全工業由

呈悉查此案業經本署明白批示並令飭長沙縣知事查照執行在卷該民曉曉懲瀆殊屬刁健駱美祥周茂林被押應否開釋着逕呈長沙縣知事公署核算辦已封閉各店如果違反該碼頭上七下八例規自無再行啓封之理執行事件係由原審衙門查照原決定執行所請派員之處尤爲無理取鬧不准并斥此批

中華民國十一年八月十四日

期 八 十 四 第

內務



六

教 育

湖南省長公署指令

令前代理留日學生經理員王英泌

呈爲黃璧鄒謙擅行查鈔任意詆譖懇開除公費學籍由

呈暨附件均悉查黃璧鄒謙擅行查鈔經理處違抗法令種種不法行爲實深痛恨又誤以該處收入爲十九萬圓有奇而不知實祇十三萬餘元成案具在豈容浮報數目至達六萬元之多支出各數亦多任意挑駁推其用意無非深文周內希圖入人以罪前經電令限期回籍亦復抗不歸來殊屬藐玩已極若不嚴加懲處其何以儆刀頑而肅法紀除將黃璧鄒謙二名開除公費學籍并電唐經理轉公使監督將黃鄒二人勒解回籍按律懲處外仰卽知照此令

趙恒恩

中華民國十一年八月十二日

致 駐日中國公使館電
留日學生監督處電

日本東京小石川區茗荷谷町九六湖南留學經理處唐經理並轉公使監督鑒湖南留日學生黃璧鄒謙二名擅行查鈔經理處違抗法令種種不法行爲實深痛恨又誤以孔經理任內收入爲十九萬元有奇而不知實祇十三萬餘元有案可稽豈容浮報數目至達六萬元之多支出各數亦多憑空指駁推其

用意無非深文周內希圖入人以罪前經電令限期回籍猶復抗不歸來殊屬藐玩已極除開該黃璧鄒謙二名公費學籍暨將王前代經理原呈另案抄寄以便備查外并請公使監督將該二生勒解回籍按律處治以儆刀頑而肅法紀湖南省長趙刪印

第

湖南省長公署公函

逕啓者案據前代理留日學生經理員王英泌以虛誣自認數罪俱發追懲從嚴按究以肅學紀等情具控黃璧鄒謙一案到署據此除指令(同上)印發並先電唐經理轉達外相應鈔送原件函請

貴公使煩爲查照至紳公誼此致

駐日中國公使館

留日學生監督處

計鈔送王英泌原呈一件

中華民國十一年八月十二日

湖南省長公署訓令

令駐日湖南留學生經理員唐晦昌

爲令行事案據前代理留日學生經理員王英泌以虛誣自認數罪俱發懲從嚴按究以肅學紀等情具控黃璧鄒謙一案到署據此除指令(同上)印發並先行電令該員遵照外合行抄發原件令仰該員即
速知照此令 計鈔發原件一紙

則

八

十

四

趙恒易

中華民國十一年八月十一日

湖南省長公署指令

令安仁縣知事譚環

湖

南

呈費該縣視學員視察學務報告書請予核奪示遵由
呈書均悉據該縣視學員唐尙視察學務報告書批錄各節該縣教育尙宜大加改進庶幾可獲實效際
此實施義務教育之時自以擴充學款爲必要該縣屠稅四成尙未完全劃歸學款本係一時權宜之計
茲據呈稱該知事已咨請縣議會另籌警款尙未議覆等情應卽設法敦促提前議妥恢復學款以裨教
育縣立第一高小校之教職各員按區分配不由校長擇優聘用殊屬有違定章應卽轉飭尊重教育滌
除陋習免誤青年其餘各國民學校職教各員多有放棄職責不諳教育或教授不合缺乏相當學識甚
至學校其表私塾其實值此教育革新猶復沿襲舊時之學則貽誤學子實非淺鮮該知事對於地方教
育有整理指導之責仰卽切實規劃相力改革以期進步爲要此令

趙恒易

報

中華民國十一年八月二十一日

教育

明 八 十 四 第

校
育



四

實業

湖南省長公署咨覆省議會文

爲咨覆事案准

貴會咨開案據常德縣議會農會工會商會教育會暨公民趙澤南等以常漢清理湖田處勘丈老垸民業違章病民懇請轉咨政府取銷暴政並懇撤銷濱湖各縣湖田清理處以杜苛擾各情分別申具請願書及快郵代電到會復據南縣育才垸代表涂元善等以咨請政府查照議決成案免予清丈及華容縣禹甸垸公民孫銳義等以撤銷專員強制丈量各等情先後具書請願到會交由審查股彙案分別開具審查報告書提出大會逐案討論僉謂各縣湖田清理處原爲濱湖新淤之地開墾熟田勘丈給照而設乃各清理處所派專員類多違章滋擾致使怨讐叢生茲准前因亟應咨請政府迅將各縣湖田清理處撤銷並請廢止水利局附近清理湖田專科章程以杜苛擾而舒民困等語案經大多數公決相應抄錄各案原請願書及審查報告備文咨請貴省長頗爲查照施行無任禱企等因計咨送請願書四件審查報告三件快郵代電一件准此查各縣湖田自民國六年設局清理其清理章程歷經本署根據前清放墾成案訂定條文咨請北京政府核准通行在案至民國十年前省議會因少數湖民請願修改章程將湖田局改爲水利局附設清理湖田專科咨請公布施行本署比爲尊重民意起見轉飭照案改組惟所定清理新章試辦以來覽尚有應行補正之處正擬提案咨請貴會議決施行誠以清理湖田既可確定

人民墾權復可增加公家收入定章不密流弊滋多欲圖裕國便民不容不力謀改善惟自民國六年該局創辦迄今已閱五載清理全湘堤垸業已過半卽令實有辦理不善之處亦祇應就其不善之點研究改良萬不能因一人一事之關係遽將清理湖田要政中途廢止茲准前因

貴會又據湖民請願議決撤銷各縣湖田清理分處並廢止水利局附設清理湖田專科章程本署詳審來咨所主張之理由略稱各縣清理專員類多違章滋擾致使怨讐叢生不如停罷查清理專員違章滋擾間或不免如來咨所言然此係一部分清理人員之不善非全體清理人員之不善縱令實係全體清理人員之不善亦非清理機關之不善似不宜因一部分而牽及全體因清理人員而牽及清理各縣湖田之機關更不宜因清理各縣湖田之機關而牽及水利局之湖田專科況清理湖田章程係本署根據部定墾章所訂定國家合法政府所承認前省議會所議決無論在何時代均有堅固不搖之根據如發現其條文有未盡妥適者

八 貴會自斟酌而變更之今以少數辦事人之不善至並廢止其章程因噎廢食無乃太過此就法理論應請貴會對於本案加以復議者一也洞庭自藕池潰口以來湖淤日多挽垸墾田各縣皆是旣非歷有契糧之舊業其地主權究竟屬於何人如聽人民自由修墾墾田權奪紛爭必無底止湖濱各屬應來爭訟械鬥之案堆積如山設局清理以來爭競之烈尙有如此使公家放棄不理爲禍更不知伊於胡底攷各國對新墾之地大抵採土地國有主義使墾闢者經過國家特許之手續爲人民確定產權部定墾章亦援用此主義湖南清理湖田同以世界所公認之土地國有主義爲原則於人民承墾者給墾照於墾已

成熟者給田照人民經營之產權以之確定國家出賦之負擔以之均平如廢止湖田章程撤銷水利局之清理湖田專科及清理專員則此項特務行政憑何項法規管理且以何機關主辦將聽人民之械鬥仇殺乎將聽山田長此納賦湖田長此免賦乎此就事實論不得不請

貴會對於本案加以復議者二也湖田收入載在預算已受清理之田畝業過大半清理之舉忽然中止則於財政奇絀之際減少收入影響預算殊非細小且自設局清理以來各縣繳莊領照者費已不貲倘半途停罷則醇謹已受清理者翻邀寬免跡近獎奸縱惡天下之不公孰甚於斯故停罷清理匪但山田與湖田之負擔永不平均即同一湖田已清理者與未清理者待遇亦顯分霄壤揆之事理甚屬非宜况各境中有已經清丈領照尚未造冊升科者有僅經清丈收費尚未填給執照者有現正着手調查尙未舉行測丈者當此極力進行之候設使政府查照

貴會來咨忽爾停辦將何以竟前功而資結束倘異日依事實上之必要又復議行清理時埋時捐尤於政體有傷此就現論不得不請

貴會對於本案加以覆議者三也又查請願三案如常德駁古障一案據水利局呈覆委員會同常德縣知事及清理委員查勘具覆擬將該障所有田畝照舊完糧免予領照其於濱湖增修畝數按照溢畝補莊辦理案已完全解決等情業經令准如擬辦理在卷南縣之育才垸華容之禹甸垸實屬湖淤垸田卽有少數田畝號稱老土自應遵照清理章程第二條各項所載之規定查驗印契糧券以憑分別給照升科況禹甸垸迭據曾孟懷等控稱該垸約計實田十餘萬畝每年派費納糧輸捐僅二萬餘畝等語是該

據不獨違章應受清理卽解決垸田爭執亦非切實清丈不足以均業戶之負擔而裕公家之賦收業經本署令行水利局測丈具報再行核奪今僅就孫銳義等請願議予免丈將來曾孟懷等復向貴會請願照章清理同係民意所在當又如何辦理再進而言之該育才禹甸兩垸果係有契有糧儘可遵章繳驗以資分別又何畏乎清理而先事鰥鴻過慮出此請願之舉故本署方認定育才禹甸兩垸確屬湖田範圍不容不照章清理不虞

貴會反根據此等請願議決停罷清理湖田要政此卽論請願原案更不能不請

貴會覆議者四也總之清理湖田一事論理論事萬不容半途停止本署非不欲早日竣事與民休息而湖鄉頑民往往千方百計阻撓政令之推行以致濡滯至今未能完畢且此曹不藉口於清理人員之苛擾則藉口於章程解釋之錯誤此次請願亦以該各分處人員違章滋擾爲理由本署以爲該各分處人員是否違章尙係片面之詞未有確據卽令查實有據自當按法撤辦令飭水利局遴委廉幹人員妥慎辦理當此清理事宜漸次結束萬不可因一二湖民逞刁反抗遽議將湖田全部政務停止牽一髮而動全身貴會代表民意兼聽則明凡茲所見苟細加審察當必具有同情也至水利局事業現該局已從調查河道入手繼以勘測竣事之後本署亦當令就水利工程容易着手之處計畫施工斷不使徒有其名虛糜公款所有撤銷各縣湖田清理處并廢止水利局附設清理湖田專科章程決議案礙難照辦緣由相應備文咨請

貴會煩爲查照覆議實納公誼此咨

湖南省議會

湖南臨時省長趙恒恩

中華民國十一年八月九日

湖南省長公署指令

令宜章縣知事

呈爲查勘地利公司擬請修築輕便鐵道路線並擬定購地償金情形由
呈及圖說均悉查鑛業條例第五十八條內載依前條之規定使用他人之土地須經鑛務監督署長許
可並應將該地施工之計畫繪具圖說呈由鑛務監督署長審定等語現在財政廳代行鑛務監督署職
權所費圖說應候本署令發該廳審核飭遵具覆備案仰卽知照此令

趙恒恩

中華民國十一年八月十四日

湖南省長公署訓令

令財政廳

爲令行事案據宜章縣知事朱樹欣呈稱呈爲呈請察核事案查前據地利煤礦公司代表陳麗泉呈稱
敝公司在貴縣與乳源縣交界之狗牙洞地方開採煤礦曾經呈奉湘省政府委員履勘呈奉核准頒發採
照在案敝公司以礦區距河道數十里山路崎嶇運煤不便召集股東會議修築輕便鐵道以期運輸敏

捷聘請工程師鄭慕唐前來鑛區察看路線估計各項工程以憑呈請履勘收買人民土地敦促一切進行據鄭工程師函稱測量路線由狗牙洞礦場起至乳屬管埠河邊止共計四十七華里宜章地面佔二十七里乳源地面佔二十里原擬呈請乳宜兩縣履勘積極進行因值匪首胡柱國蹂躪礦場敝公司損失二十餘萬血本虛耗元氣大傷是以稍爲停頓嗣經敝公司開股東會議定一面修整礦區一面將輕便鐵道籌備建築擬從乳屬管埠河邊起手已經呈請乳源縣委員勘明乳屬路線繪具地圖呈請粵政府核准由縣出示保護並派委購地委員來鄉購地業已興工建築宜章縣所屬之狗牙洞起至與乳屬之蛇灣冲等處地方止二十七華里路線應即請求履勘以備委員購地理合繪具草圖呈請履勘等情

據此知事查地利公司所開狗牙洞礦場係在屬縣栗源團境當經委任一科科長會同栗源團團紳召集各地主及各關係人逐一查勘去後茲據委員劉嶽衡呈稱奉委查勘地利公司請修輕便鐵道路線遵卽前赴栗源團局會同局紳陳壽吾陳純菴姚仲墀李澍森等召集各地主人等來局開會說明地利公司擬修輕便鐵道事由宣佈奉委查勘路線之事實曉諭由狗牙洞至良口之路線囑令各地主人等按段會同履勘如有妨礙務卽當面指明俾商量繞道期與地方相安隨約團局各紳同至良口於與乳源交界之蛇灣冲等處地方踏勘起由良口過河沿該公司所測路線勘至狗牙洞礦場查勘各地面均無妨礙惟白洋塘地方由後山經過李姓地主恐驚動後龍來脉不允出賣山地改由前面塘邊經過該地主又恐與村民挑水婦女洗濯等事不便再三籌商擬由工程處多耗工本於該處建立橋梁行車該村人民挑水洗衣等事由橋下原路經過俾彼此不相妨礙又良口王姓謂該處河面春水漲發有時漲

上河岸再加一橋恐於水道有阻委員查勘該工程處擬於老橋之下修一鐵橋河中三磴中磴在沙洲之上水內僅兩磴且與老橋之磴側而小與水道毫無阻塞毋庸過慮惟是地方風氣未開人民不知鐵道爲何物有謂火車烟氣極大人民感受有礙衛生有謂鐵車經過響聲如雷地方震驚兩旁生理不能滋長有謂田洞中修築鐵路阻塞水源與農民耕作有礙且鐵道修築必高兩旁人民出入有阻有謂地方田少山多公司買田爲路每年出穀更少有謂沿路之田均有賦稅公司承買必然過糧將來公司採盡煤礦回粵田賦完納無人深恐累及地方種種情詞一倡百和委員當將該地人民所慮之處詳細說明如火車烟氣上騰浮在最高空中霎時風散無礙衛生田洞修築鐵道必安放多數過水筒上坂之水仍可灌溉下坂之田斷不阻塞水道鐵道雖高於尋常之路兩旁人民出入必修枝路任聽各人自由行動卽火車經過亦有一定時間瞬息過去非車站不得久停湖南省城小吳門城門邊尙可修路行車何況田洞曠野之地鐵車雖有響聲並不礙路旁生理現有長岳路株萍路可爲明證至於公司修路使用田土等項必照尋常普通價格從優給予償金各地主可於他處買還田土等項沿路田地旣由公司承買當然按畝過割錢糧由公司完納日後縱有煤盡停辦之日屆時該公司必有善後辦法斷不至累及出筆人尤有一班少年人民謂隴洞中修築鐵道攔阻該村字向致使該村閉氣此更不能成爲問題再三開導并當衆宣布該地利公司現在乳源縣購買居民田地分爲上中下三則上則田每畝定價小洋一百三十元中則田每畝一百元下則田每畝七十五元有樹山地每畝照下則田給予七十五元之價荒土每畝四十元既在乳源縣內照價購買田土并無窒碍宜邑應事同一律以歸劃一而昭平允除繕

具圖說外所有查勘地利公司擬修輕便鐵道路線并與地方人民接洽各緣由理合呈覆察核等情據此知事查鑛業條例第五十七五十九等條鑛業權者因左之目的得使用他人之土地并應將於該地施工之計畫繪具圖說呈由鑛務監督署長審定及給予地主及關係人以相當之償金各等語該地利公司代表陳麗泉等在於屬縣狗牙洞地方開採煤礦已奉財政廳委員會勸頒發採照在案現因隔河甚遠山路崎嶇運煤不靈請修輕便鐵道與礦業條例第五十七條第四項相合得使用他人之土地知事委員查勘由狗牙洞礦場起至興乳源縣之蛇灣沖等處地方銜接粵界路線止宜章境內二十七華里其間經過各村使用田地甚多均無妨礙現依據礦業條例第五十八條將於該地施工之計畫繪具圖說呈候察核屬縣栗源等團田地尋常買賣膏腴之田最高之價每畝不過八十元之譜現該公司在乳屬境內購出地上則田每畝一百三十元中則田一百元下則田七十五元其償金亦可謂相當矣至該地方人民所稱各種妨礙亦足見其深謀遠慮但係未曾見過鐵道各由理想所及未能成爲問題若果與人民虛慕有礙之處知事必囑令該公司工程師設法繞道務使地方與公司永久相安各謀生業茲據委員勘明繪具圖說前來應即呈請鈞署察核審定并即由知事通知地主或關係人一面委員會督該公司及各地主協商購地以憑早日開工而副鈞署維持實業之至意所有查勘地利公司擬請修築輕便鐵道路線並擬定購地償金各緣由是否有當理合連同圖說呈請鈞署俯賜察核指令飭遵等情并賣到圖說各一件據此除指令 同上此令印發外合行檢發費件令仰該廳卽便審核飭遵並具報備查此令

計發鐵道圖一紙說明書一件

趙恒基

中華民國十一年八月十四日
湖南省長公署指令

令辰谿縣知事

呈報改組縣農會情形由

悉此案前據該會會長及該會評議員等控訴前來節經訓令該知事將改組情形併案呈復在案茲據稱該知事以該會長擅離職守據士紳舒昌基等聯名呈請改組祇得召集合格會員五十六名投票選舉米序東爲正會長米傳可爲副會長等情查縣農會改組所有職員照章應由各鄉農代表投票選舉該縣鄉農會既已成立應召集各鄉農會代表依法改選何得僅召合格會員數十名投票選舉辦理殊屬不合至該會會長楊鴻周因控告該知事來省立於控告人地位似與尋常曠職情事有殊其辦理會務有無成績應行改選與否須俟本署查明方能定奪不得遽予改組所稱委定會長請予備案一節暫毋庸議此令

趙恒基

中華民國十一年八月十七日

湖南省長公署指令

令水利局

呈爲轉呈委員併案令勘常德新陂橋淤土情形由
第

呈悉據稱新陂橋洲土確保新近淤積并無真實契券報驗且障外河頭各業戶均經繳納草山執照該
洲土事同一律似不容其藉抗獨免等情查該新陂橋既係新淤自應照章清理仰卽知照此令

趙恒毅

中華民國十一年八月十七日

湖南省長公署指令

令甯遠縣苗圃經理員李壽芝

呈具苗圃經營圖式以備考查由

呈及苗圃草圖均悉暫准存查惟該圃所育之苗有幾種株數及生長狀況若何換地區移植若干生長
成績奚若未據分別呈明殊欠明瞭其圖中育苗換地各區域應將樹苗之屬於針葉或闊葉等類繪入
圖內以見清朗仰卽遵照此令

趙恒毅

中華民國十一年八月十七日

期

財政

湖南省長公署指令

令湘岸榷運局長鄒序彬

呈爲鹽稅日衰亟須整理統籌利弊 首重減價敵私列表具陳仰祈鑒核由
呈表均悉查湘岸鹽稅收入逐漸減少自非亟圖整理不足以裕稅源該局長所擬輕減准稅抵制粵私
辦理尙屬妥協應予如是照准至酌加鄰私慎選人材實行賞罰各節亦係整頓鹹政要圖着卽詳細考
查妥擬辦法呈候核辦除令知財政廳外仰併遵照此令表存

趙恒恩

中華民國十一年八月十二日

湖南省長公署訓令

令湖南財政廳

案據湘岸榷運局長鄒序彬呈稱爲鹽稅日衰亟須整理統籌利弊首重減價敵私列表具陳仰祈鑒核
事案查接管卷內屬局以南路各岸淮銷疲滯擬請將雜稅商本分別酌減等情呈奉鈞署財字第5零
二七號指令開悉查淮鹽附加各稅原屬不得已之舉南路各岸軍費前據呈准酌減四角已屬格外
體恤當此財政奇絀全賴各項稅收爲之挹注所請再予核減名節礙難照准等因奉此胡前局長因交

卸在卽未及呈復序彬受任伊始頭緒茫然實慚戶位素餐無補民生國計外畏清議內疚神明用是屏謝酬應旦夕遍訪員司搜攬報冊於整理之道得四端焉一曰酌加鄰稅一曰慎選人才一曰實行賞罰而當務之亟尤在減價敵私奚以明其然也湘省西南川粵鄰鹽配銷久著爲令而於淮引仍無窒礙者以兩兩價額不甚懸殊也自軍費口捐逐漸增加於是淮引每鹽一擔收稅三元數角以現時銅元計算合錢六七千文而鄰私則每擔不過一千數百文大相逕庭不可方物同一商民同隸政府厚彼薄此不可謂平語曰不患寡而患不均謂宜量加稅收以昭畫一此酌加鄰稅之說也時至今日民皆舍本逐末羣集於仕宦之一途士廢其讀農輟其耕工商不安其業類憑薦牘希得優差既得優差勢連奧主於是位不必賢而賢者不得在其位矣在職不必能而能者不得在職矣賢者不在位能者不在職而欲庶政之理譬如北行而南其轍也今之製衣者必求良工治病者必求良醫而獨於國家政治則不論能否不問賢愚是人輒薦之則必用用則必久稍拂其請卽爲怨府吏治因之敗壞國家於以顛危亟宜限制仕途稍挽頹俗此慎選人材之說也又查水路緝私哨卡林立而私鹽侵灌充斥腹地此皆員司之不職而實由懲勸之乖方鄰鹽入境漫無稽考非如淮引之指挂承銷有定數也壞地千里犬牙相錯條條是道源源而來巡緝殷勤猶處不濟况復疲玩何以堤坊甚且勾串私販狼狽爲奸水運完稅每擔不過五六十斤旱運完稅每担不過二三十斤誘之使來以飽私橐又或於零星負擔充罰綦嚴而大宗私橐得賊賣放迨至報解不敷則又藉詞短收請領倒餉此川粵稅員巡之通弊也近聞各屬局呈報加以博訪周諮耿耿奉公者固不乏人而孜孜爲利舞弊營私亦所在多有或曠廢職守掛名領俸或抗不交卸藉

口虧空或擅用公帑恣其揮霍或私加鹽價倚勢作威或串通承銷分所減稱加包或勾結當地奸商居奇壟斷種種行爲罔知理法懲辦則恃其奧援漸染遂成爲風氣此又各分局員司之通弊也若不限定期限分別淑慝考查成績責勸兼施鹹政曷由昌明餉源何能充裕此實行賞罰之說也凡此皆切中時弊又苦於押格難行自非鈞座頒布明令整肅官常恐望碍既多動輒得咎非彬之愚所敢妄干也至於減價敵私既有淮商請求復經多方考察推行盡利裕課便民救時之策莫要於此請申其說夫鹹稅之不旺由於淮引之滯銷淮引之滯銷由於鄰鹽之侵入鄰鹽之侵入由於淮鹽之價高淮引之價高由於徵稅之過重此盡人能知之能言之若謂輕減稅則即可增長稅收則容有不盡知者矣損下益上謂之損損上益下謂之益非上果損也蓋所損者小而所益者大耳查淮鹽銷數各捐未加以前南路各局歲銷九十二票本年截至六月僅銷十票是半年短銷三十六票以全年計之當短銷七十二票也淮鹽稅則每票正稅雜捐共計一萬二千餘元是短銷七十二票即短八十六萬四千餘元也假定南路各局每兩票減口捐五角以爲準率每票計減三千元以今歲上半年銷數十票計算所減僅二萬元尙不敵淮引萬元全額可增至九十二萬元是較之未減以前半年僅收十二萬元全年僅收二十四萬元者實可多得六十八萬元也此應酌減附捐者一淮鹽質美味鹹粵鹽沙多滷重人情好惡不甚相遠祇以淮價過多遂至違貴就賤今若權其兩端平其市價南人何樂而必食粵鹽亦何苦而不食淮鹽也銷場之暢稅入之增可文面行此應酌減附捐者二商人貲本視切肌膚苟非勢處萬難豈肯自甘放棄今欲保全引

第

地疏濬銷場不惜犧牲血貲擬減三角以爲標準視地遠近權衡伸縮商家具此熱忱政府更收實效似宜因勢利導策助進行拒而不許殊失恤商裕課之初旨此應酌減附捐者三南路居民不下千萬未嘗淡食也非粵卽淮非淮卽粵淮鹽短銷七十二票卽粵鹽長銷七十二票然則淮稅短收宜乎粵稅之增多矣何以十年度粵稅僅收十六萬餘元反不及六年前三分之二種種弊端莫可究詰仕途龐雜整理無由惟有暢淮鹽以圖挽救此應酌減附捐者四綜此數端折衷一是由前之道稅率加多而稅量日見其少行今之策稅率減少而稅量日見其多夫十二萬此四路各局本年上半年所銷十票之稅收之與四十六萬擬減捐後恢復六年所收之半數

也二十四萬此不減價全年之取數之與九十二萬擬減捐後恢復六年所收之半數也豈可同年而語哉縱一時不能恢復六年原額但

年所收之半數

擬減捐後恢復六年所收之半數

擬減捐後恢復六年所收之半數

擬減捐後恢復六年所收之半數

十

八

得半數裨益已多大凡兩利相形必取其重兩害相形必就其輕何況此策一行有百益而無一損夫何憚而不爲若徒恃多取以爲補苴是傳所謂二吾猶不足非理財之道也惟是所減過多旣恐有妨收入所減過少又難抵禦隣私茲經一再考察查照各局應減數目分別雜捐商本逐條開呈仰祈鑒核（一）衡山近接湘潭原定牌價旣較腹岸爲輕上年又減收四角若再議減不無倒灌之虞擬仍其舊以爲腹岸屏蔽（二）衡陽處衡山上游銷場極廣粵私亦最甚從前淮引暢行月銷數票近乃數月一票非減價無以敵私非敵私無以暢銷擬於附加五角口捐內減去三角另減商本二角（二）耒陽白沙安仁處衡陽上游直接粵鹽引岸非從重核減難資抵禦但安仁北界衡山東界攸縣且開岸未久銷淮無多售價太輕又妨內侵似應分別辦理擬將耒陽白沙兩局減去口捐五角商本四角安仁卽照衡陽辦法減去口捐三角商本二角（二）祁陽亦屬衡陽上游較耒陽白沙稍偏於西尙未直接粵界擬減口捐四角商

期

湖
南

政

報

本三角（一）零陵處祁陽上游銷場亦廣擬減口捐五角商本四角（二）東安江華道縣甯遠地處極邊均係零陵分岸擬一律減去口捐五角商本四角此外尚有中路各邊局均爲粵鹽浸灌之所亦應酌量減收（一）攸縣近來銷市甚疲地勢與衡山平行已減軍費四角該岸亦宜援緊照減四角（二）茶陵處攸縣上遊地居極邊銷市尤滯擬減軍費四角再減口捐二角（三）寶慶新化武岡連道險遠駁費較多售價因之增高粵鹽乘機浸銷擬減軍費四角（一）新甯接壤粵西鄰私尤易侵擾擬減軍費四角口捐二角準此辦理公家稅入必能繼接增高惟是商本性質實有不同銷數愈暢局本愈多當茲停滯之時責令俱減事出權宜未便著爲定例擬俟暢銷之後再行體察情形量予緩加以恤商艱而昭公允序彬忝綰鹹務深愧不倫裕課疏銷費無旁貸患者一得不敢不陳苟利於公他非所計除增加鄰稅慎遷人才實行賞罰三者容俟詳細考查再行次第整理合將籌議輕減淮稅抵制粵私辦法及南路各局銷數稅收比較分別列表並附川粵鹽比較表具文呈請鈎座察核指令祇遵等情到署除指令同上印發外合行抄表令仰該廳卽便知照此令

計抄發南路各局銷數稅收比較表一紙 川粵稅比較表二紙

趙恒恩

中華民國十一年八月十二日

湖南省長公署指令

會會同縣雜稅局局長蕭天漢

呈覆各項報告書未據各前任移交無案可稽由
第局各前任經徵各款既未移交該局長當時不加查察率爾接辦實屬疏忽惟以前各項案卷簿據自必
存在果能細心鉤稽不難清查補造即有不甚明晰之處亦應由該局長轉函前任查明仰仍遵照迭次
令文分項清查按月補編刻日彙費核辦事關計政該局長務須認真辦理毋再藉延切切此令

趙恆恩

中華民國十一年八月十七日

湖南省長公署訓令

令醴陵縣知事

案據湘岸榷運局長鄒序彬呈稱案據醴陵分局呈稱據駐紮規頭洲組私旱隊巡士向西亞等來局報
稱廖哨弁龍驥駐紮規頭洲天后廟內忽於七月二十四夜三更被匪破壁蜂入開鎗轟擊聲勢洶湧該
哨拒敵彈盡不支巡士九人均被奪鎗綑綁廖哨弁被匪擒綁殺傷登時斃命其巡士一人因荷槍出外
放哨得以幸免奪去事後查點計刦去鎗九枝獎勵洋二百元全哨弁兵衣物及圖記文卷概行搶刦殆
盡并稱此次變起倉卒防不勝防廖哨弁被害時亞等目擊係已革巡士劉漢清勾通匪黨所爲等情前
來當卽派人前往查勘該哨弁被匪殺傷登時殞命銀洋衣物鎗枝文卷圖記概被搶刦詢之地鄰均稱
確實不虛踐暫由職局墊發棺木殯殮掩埋費光洋四十一元二角五分並咨縣勘驗緝匪究辦外理合

呈請察核等情據此正核辦間復據該哨巡士廖謙榮呈稱謙榮堂叔廖龍驥客冬奉胡前局長委充陸路緝私隊第四哨哨長到差之日率兵士十名駐紮醴陵縣東鄉覩頭洲天后宮竭力辦理成績頗著奈該地連贛邊土匪甚夥搶刦時有所聞而廖哨長勸告兵士時常警備至贛興戰匪愈熾突於今年陰歷六月初一日深宵子刻匪魁劉漢清統土匪百餘人各持刀槍圍天后宮搶刦淨盡兵士不能抵制遂將廖哨長擄去殺死道旁業經醴陵縣榷運局電呈鈞局在案奉電令醴局內開解散兵士發給恩餉等因該局遵照辦理其恩及於生者至渥矣然生者既沐休養之恩而死者詎無葬埋之費謙榮爲廖哨長慘遭匪害邀請班長曹玉清同在該地看守屍骸望卽扶櫬回籍但該家地無立錐妻弱子幼不能自謀生活何能有殯葬之資可爲潛然泣懇局長作主矜憐死者憫卹生人給予撫恤金以資搬柩歸葬并爲矜寡撫孤之需不勝感歎之至等情到局查此案前據醴陵局徑電業經呈奉鈞署指令內開呈悉准卽令飭醴陵縣知事嚴緝究追並候總司令部核飭遵照等因在案該項匪徒胆敢殺斃哨長刦去槍枝並將全哨銀洋衣服及圖記文卷概行搶掠無存實屬目無法紀應請嚴飭醴陵縣知事會同防軍嚴緝務獲追繳所失各項從重究辦以靖匪氛至廖弁龍驥因公斃命情殊可憫所有醴局墊發殮埋費光洋四十一元二角五分擬照准予核銷並另給該故弁遺族恤金二百元俾得搬柩回里藉慰幽魂理合具文呈請鈞署察核指令祇遵等情據此除指令呈悉查此案前據該局長呈報到署當經令行醴陵縣知事緝匪究追在案茲據續呈候再令催該知事選派幹警會同防軍嚴緝此案凶匪務獲追賊究辦至廖哨弁龍驥慘遭匪害情殊可憫准從優給予一次恤金洋二百元以示矜恤所有醴局墊發殮埋費洋四十

一元二角五分即於此項恤金內如數扣還歸墊不得另外作正支銷仰俯遵照此令印發外合行令仰該知事卽便遵照緝匪追賊究報案關重要毋稍玩延切切此令

趙恒毅

中華民國十一年八月十八日

湖南省長公署指令

令財政廳

呈轉呈擬具清理前湖南銀行各項票幣及前總清理處惠民票方法請轉咨省議會議決辦理由呈悉查前湖南銀行負欠債務爲數頗多雖爲當時代辦金庫所牽累然亦由兵燹損失及一般奸商乘機操縱之所致現值財源枯竭處理自屬困難但該行清理日久迄無結束之表示無怪全湘人士及旅京同鄉會嘖有煩言至票幣爲該行債務之一大部分在張敬堯時代尙有以惠民獎票收回之舉今湘省勵行自治之時且該行並非全無財產若將紙幣與獎票一律宣告作廢施之於前盤剝獲利之奸商則不爲過甚施之於一般孤苦小民則未免有失平允之道所有財政委員會議決此種辦法關係極爲重大仰候新政府成立時再由該廳呈候咨交省議會議決辦理此令

趙恒毅

中華民國十一年八月十八日

司法

湖南高等審判廳訓令

令麻陽縣知事江天涵

案查該縣自八年至十年暨該知事任內所有司法收支書據未據造報齊全迭經本廳令催在案迄未
遵令造報前來實屬玩視計政現查十年會計年度又已久告終結各縣司法收支書據亟待彙轉以資
結束合行令仰該知事卽便查照本廳上年第二二七九號二四七三號及四三八四號訓令所示辦法
將上開年度內收支書據依法定手續及法定份數按月編繕齊全齊廳以憑核轉毋得再事違延切切
此令

廳長李漢丞

刑庭長石銘勳代拆代行

中華民國十一年八月二十三日

湖南高等審判廳指令

令麻陽縣知事江天涵

呈一件造費接收羅勝兩前任司法交盤總冊由

呈悉查各縣兼理司法之縣知事造費司法交盤總冊應將前任任內經征報解各款鈎稽無訛分

類分月繕具四柱清冊連同接收清楚印結費核至冊內所列報解數已否奉有指令或批迴須詳爲註明如遇月無收支亦須冊列月份分別填寫無字以便稽核均經通令遵行在案茲據該知事所費前兩任交盤總冊查核內容未遼上開法定手續辦理又冊列五成訟費數有與原征訟費五成率不符冊報訟費狀價復與該縣收費處所報數目不合是何歧異該縣前各任收支書表未據造報齊全無從懸揣應將原費交盤總冊發還仰卽查照妥爲更造並補具印結費廳以憑核辦此令

計發還司法交盤總冊二本

廳長李漢丞

刑庭長石銘勳代拆代行

中華民國十一年八月二十三日

湖南高等檢察廳指令

令湘鄉縣管獄員蕭幹

代電一件爲人犯增加請自十一年度起改列乙等由

灰代電悉查各監十一年度經費預算現因吾湘改革伊始正式政府尙未組織成立暫難編制業奉省令規定在十一年度新預算案未成立以前所有各機關本年七月以後收支款項概行遵守上年度預算數目毋得自由增減當經本廳於七月七日以第一五五七號訓令通行各縣知事轉飭各監管獄員遵照在案着卽知照此令

檢察長蕭度

中華民國十一年七月十七日
湖南高等檢察廳訓令

令漢壽縣管獄員

案據漢壽縣知事成侁呈稱呈爲監獄新署鋪橙各件懇准備案並令獄員嗣後交替定爲專案移交具報以資垂久事竊屬縣監獄原係前清舊式規模毫未修改廝房矮小黑暗不明地勢低窪潮濕極重每春江水漲恒遭淹侵水深二三尺不等監內尚無鋪橙各犯均係席地坐臥雖水漲各犯暫避他處然終感潮濕疾病時虞知事到任適水漲之際日覩情形心焉戚戚權圖目前救濟因陋就簡乃於司法贓物變賣項下挪借洋五十元購置新高鋪二十五架篾蓆二十九牀長板橙四條裝修玻璃瓦二十四片因簷淺階窄滴水侵及廝房又置新木橙四條挪借經費將來仍由屬縣設法籌還惟爲政在人恐有不肖獄員或移挪他用或於新舊交替之際詐稱私置藉索津貼擲請鈞廳備案並令飭獄員嗣後交替定爲專案移交具報以杜弊端倘日久或有破損由獄署雜置項下開支修理除監內應設教誨室工場仍隨時籌措經費添設外所有監內新置鋪橙等件懇准備案各緣由理合呈請鈞廳俯賜察核指令祇遵等情到廳據此除指令呈悉准予備案並令行該縣管獄員查照辦理可也此令印發外合行令仰該管獄員卽便遵照關於是項新置鋪橙各件務須慎重收用毋稍損失嗣後遇有交替並應專案列入移交具報備案俾資垂久此令

中華民國十一年八月一日
湖南高等檢察廳指令

令長沙地方檢察廳檢察長賀壽嵩

呈一件爲呈報長沙看守所所長賀宗林對於所丁多報少用情形仰祈察核由

呈悉該管看守所所長賀宗林多報所丁既經該檢察長派員查實並請將該所長接事日起至七月底止虛報之款留作該所盈餘經費自是正當辦法惟其虛報數目究有若干仰仍逐月開單呈以報憑核扣至該所長對於所丁名額多報少用其中究竟有無別情抑係蓄存浮濫事關公款仍應由該檢察長切實查明依法辦理嗣後該所應行雇用所丁名額併仰該檢察長於新委所長接事時就向用之三十八名範圍以內酌量核定飭遵並仍呈報備案此令

檢察長蕭度

中華民國十一年八月八日

湖南高等審判廳民庭公開審理案件日時通告

本廳民庭八月廿八日午前十時公開審理案件如左

一孟萬春與聶三鍊因坟山涉訟不服益陽縣知事公署第一審判決控訴一案

一張之凱與張宏春因繼承涉訟不服甯遠縣知事公署第一審判決控訴一案

(公開審理)

一曹星階與余震廷因修理涉訟不服長沙地方審判廳第一審判決控訴一案

(公開審理)

一劉碧卿與何述朝因繼承涉訟不服寶慶縣知事公署第一審判決控訴一案

(公開審理)

一李盛禮與譚如玉因坟塋涉訟不服藍山縣知事公署第一審判決控訴一案

(公開審理)

本廳民庭八月廿九日午前十時公開審理案件如左

一何佑昌與何光林因坟山涉訟不服鄉縣知事公署第一審判決控訴一案

(公開審理)

一余家訓與吳舜臣因買田涉訟不服長沙地方審判廳第一審判決控訴一案

(公開審理)

本廳民庭八月卅日午前十時公開審理案件如左

一管沐之與黎玉吾因營業稞佃涉訟不服慈利縣知事公署第一審判決控訴一案

(公開審理)

一劉元瑞與蕭惠友因婚姻涉訟不服常德地方審判廳第一審判決控訴一案

(公開審理)

一粟體元與陳啓南因債務涉訟不服長沙地方審判廳第一審判決控訴一案

(公開審理)

一謝鄧氏與璩曉南因略誘私訴涉訟不服益陽縣知事公署第一審判決控訴一案

(公開審理)

本廳民庭八月三十一日午前十時公開審理案件如左

一江恒盛與袁李氏因款項涉訟不服長沙地方審判廳第一審判決控訴一案

(公開審理)

一劉李氏與劉蕭氏因繼承涉訟不服常德地方審判廳第一審判決控訴一案

(公開審理)

湖南高等審判廳刑庭公開審理案件日時通告

本廳刑庭八月十八日午前十時公開審判案件如左

一控告人廖秉鈞對於安化就廖暉強盜勒詐罪之所爲第一審判決不服控告一案
一控告人汪貴林等對於祁陽就控告人殺人之所爲第一審判決不服控告一案
一控告人高檢官對於安化就黃依香等竊盜之所爲第一審判決不服控告一案

一控告人肖濟對於安鄉就楊七滿傷害致死之所爲第一審判決不服控告一案

本廳刑庭八月廿九日午前十時公開審判案件如左

一控告人易應聰等對於武岡就控告人強盜罪之所爲第一審判決不服控告一案

一控告人彭本福對於澧縣就控告人騷擾等罪之所爲第一審判決不服控告一案

一控告人歐大賓對於華容就劉正勛傷害等罪之所爲第一審判決不服控告一案

一控告人黃從善對於長沙就控告人和誘等罪之所爲第一審判決不服控告一案

一控告人李人和等對於湘鄉就聶濟廣等強取之所爲第一審判決不服控告一案

本廳刑庭八月卅日午前十時公開審判案件如左

一控告人王冬古對於汝城就李德元等傷害致死罪之所爲第一審判決不服控告一案

一控告人鍾人斌等對於武岡就謝勵吾等勾匪慘斃罪之所爲第一審判決不服控告一案

一控告人陳貴璋等對於衡陽就龍慶寅等發掘坟墓罪之所爲第一審判決不服控告一案

一控告人譚行一等對於鄉就控告人傷害罪之所爲第一審判決不服控告一案

本廳刑庭八月卅一日午前十時公開審判案件如左

湖

南

政

報

一控告人周急對於道縣就控人妨害選舉及偽造私文書之所爲第一審判決不服控告一案

一控告人廖富林對於藍山就成石頭等殺人之所爲第一審判決不服控告一案

一控告人劉丙二等對於寶慶就控告人殺人之所爲第一審判決不服控告一案

一控告人周保廉等對於湘鄉就周貴四僞造等罪之所爲第一審判決不服控告一案

本縣刑庭九月一日午前十時公開審判案件如左

一控告人劉蔣氏等對於寶慶就蔣志預等殺人之所爲第一審判決不服控告一案

一控告人彭融彩對於桃源就控人侵占罪之所爲第一審判決不服控告一案

一控告人凌克家等對於長沙就控告人殺人之所爲第一審判決不服控告一案

本縣刑庭九月二日午前十時公開審判案件如左

一控告人蔣柏山等對於安化就控告人和姦殺人罪之所爲第一審判決不服控告一案

一控告人周大謨等對於湘陰就周德林等殺人罪之所爲第一審判決不服控告一案

一控告人陶開交等對於衡陽就控告人殺人之所爲第一審判決不服控告一案

第十四十期八

國語

